

温州市图书馆

林培厚行状 林培厚墓志铭

共 / 册 存 / 册 排架号 04375

皇清誥授中憲大夫湖北糧儲道祖考敏齋公行狀  
公諱培厚字輝山一字敏齋姓林氏先世自閩遷於浙  
居瑞安之雍灘邨曾祖諱寧時徙塘下祖敬穆公諱應  
魁孝弟力田居親喪哀毀逾禮兄病劇熟臂肉籲天得  
愈幼罹耿精忠之難依同邑薛公壯始歸居楓嶼家日  
蕃盛故里中稱爲楓嶼林氏是生公考直菴公諱中鳳  
貢生讀書尙躬行多濟人利物事嘗因潮溢發粟振災  
者全活無筭又濬里中東西二河灌田數千畝至今人  
賴其利均以公貴

勅贈儒林郎翰林院庶吉士

御臨

不

國

飲

誥贈朝議大夫晉中憲大夫曾祖妣殷祖妣葉並  
勅贈孺人

誥贈恭人妣吳

勅封太孺人

誥封太恭人公兄弟八人公次第三生而岐嶷性穎慧  
八歲就塾讀書不再過時兩兄方治舉業輒私傲其文  
師長驚異直菴公課子嚴恒襪被宿外舍五鼓卽以杖  
叩牖催令起讀入夜則以三鼓爲率過恐傷神公每先  
直菴公起坐帳間默記昔所授書爛熟然後啟扉出丙  
夜置燈帳中竊誦幔頂盡黑其勤如此乾隆戊戌公年

04375

十五應縣試旣第一學使者江西彭文勤公元瑞復取  
第一名爲縣學生山東竇公光鼐繼來督學以一等首  
名補廩膳生成申三月直菴公卒公哀毀得怔忡疾數  
載始瘥壬子六月薛恭人來歸八月赴杭讀書鳳林寺  
甲寅從山陰吳蓉塘先生壽昌於培風書院公游學數  
年益博覽工文與莫侍郎晉錢學士林同視席交最密  
是時學使大興朱文正公珪最號識士尤喜沈博絕麗  
之文與竇公指趣稍異試又輒冠軍聲譽籍籍顧十二  
試省闈屢薦皆不錄嘉慶戊午科榜發循例以訓導待  
銓自是寓錢武肅王祠者六載會巡撫爲儀徵阮公元

夙器公庚申命監敷文書院甲子始舉浙江鄉榜第十  
三名座師吳縣潘公世恩德州盧文定公蔭溥房師昭  
文王公愷乙丑會試報罷丙寅三月署淳安縣教諭戊  
辰會試中式一百八十八名座師富陽董文恭公誥無  
錫鄒公炳泰長白秀公塋大興顧公德慶房師濟南王  
公允輝

廷試二甲四十名進士

欽點翰林院庶吉士五月乞假歸省值吳太恭人八十  
誕辰公綵衣稱觴觀者羨之十二月假滿入都己巳四  
月散館列一等授職編修充 國史館協修庚午八月



充順天鄉試同考官得編修程澧等十三人辛未四月  
充會試磨勘官癸酉二月補 國史館纂修十二月充  
鄉試磨勘官甲戌二月充文穎館提調官三月充會試  
同考官得傳臚裘元善編修張翺等十六人乙亥十二  
月  
欽派文淵閣校理丙子三月  
京察一等奉

旨記名以道府用五月拜四川重慶府知府之  
命八月就道二十三日行次鎮門鎮薛恭人驟感風痧  
歿恭人世居薛里爲同邑明經諱淮公女世稱儒家謹

閨教年十九來歸善事君姑和於先後勗公以成名公  
父出游積歲月始一歸歸又輒出恭人爲治裘織悉必  
備臨別無戚顏家人竊怪之恭人聞曰吾豈忍哉實懼  
傷老人心強自抑耳從宦京師事公尤謹輒朝則整比  
章服以待躬親樽俎米鹽至儲備芻秣亦費經度猶以  
太恭人不欲離諸子而獨就養於官也歲時必手製衣  
履以歸獻自奉儉約常服手織之布至是道卒年四十  
三無出是歲十月公抵任重慶民悍而愚復值教匪滋  
事後習於不靖吏治多尙嚴猛公以大難初平宜休養  
生息獨以柔道綏之而至於弭盜則不遺餘力川省有



不

所謂囑匪者恒出入挾挺刃以厄行路公謂其刀異常  
製宜先禁造者因請大府通飭各屬籍境內煨者若干  
家編什伍如保甲法有犯連坐其佩刀者藉未傷人亦  
嚴懲所屬江面遼濶上通省會下達夔門行舟時被劫  
畧公以沿江渡船皆盜資命每十船編爲一號大刻船  
主姓名於旁使日出晚必歸責成於埠夫一船有犯九  
船同科自是盜衰止境多鹽販官鹽貴而惡私鹽賤且  
佳故民樂食私而捕者輒指販爲梟釀成巨案公洞燭  
其情禁私販之持械及商役之擅執平酌價值商民胥  
安嘗謂逼梟成盜曷若化梟爲販上官歎爲名言民間

好習天主教公實心查辦搜獲其書三十餘種爲之抉  
摘謬妄啟發蒙瞶有改悔者許以自新愛士如子弟  
縣爲重慶附郭首邑治學者衆公旣請於大府奏加學  
額復勤課書院獎拔眞才會錢學士林典試蜀中公之  
所部得雋十三人爲自來未有之盛兩護川東兵備道  
境連黔楚陝三省袤延二千餘里事務殷繁公從容鎮  
定所屬雷波嘗有漢夷債負忿爭所司張皇具揭遽請  
發兵公不爲動檄索其魁果立時縛至論如法事遂平  
貪功者憾焉競爲蜚語中傷公時大學士襄平蔣公攸  
銛督川中信任益堅謂公所全活實多嘗奏稱林某明



幹實心又寓書於人言川省好官惟林某及楊太守世  
英耳渝城三面臨江西南佛圖關一線鳥道天險盤空  
爲川東扼要卡隘久傾公捐廉以倡募貲修復公在蜀  
三年政通人和連歲有秋屢因民無逋賦蒙紀錄己卯  
繼配薛恭人來歸前恭人女弟也太恭人習知其賢聘  
之十一月朔太恭人考終里第享壽九十有一赴至公  
晝夜號哭水漿不入口庚辰三月自重慶回籍星奔抵  
家一慟瀕絕已而與諸舅足深山恭卜先隴久之始  
獲吉壤道光癸未三月合葬直菴公吳太恭人於澂頭  
山之陽四月入都八月

特授天津府知府

召見於

乾清宮時值近畿大水後有積水未消飢民待振汝須好爲之之

諭十月之任公徧按行屬邑籌度振務活飢民七十七萬有奇其稟集郡城者亟構席屋分棲堞間俾免露處率紳士捐白金三萬餘兩以助振徧給絮衣施醫藥棺斂明年春振旣停止夏麥未收公再振粥一月已復人給錢米有差令各復業計丁四萬八千餘口歡聲載道當是時被灾共百二十州縣飢民牽子婦就食都中踵



相接當事籍其里居入棲流所獨津屬無註籍者爲畿甸辦振第一時米價騰貴奉天米商先航海而來閩省臺灣米繼至十四萬石價頓平而閩商不欲賤售將作囤積計於是當事有增價買貯通倉之議公謂核計津郡運道兩庫僅能合籌十萬兩旣不足以盡買且官運脚費亦巨不若飭通水道之州縣召買其半乃以官錢和糴令卸貯北倉非第省運費而明年易州

陵精暨滄州駐防兵米可取給於此卽有餘留待各屬麥未熟時分別借糴如是則官商均利皆如公議行用申

上使大臣疏築河道以減水患奏派公履勘所屬  
津爲直隸諸水尾閘南運河受漳衛洹汶之水北運河  
受潮白溫榆之水大清子牙永定諸河亦同注焉皆由  
天津入海受水旣多殺河稍不疎暢輒漫溢田廬公以  
爲捷地引河南運河所宣洩賈家沽南倉口辛莊之引  
河北運河所宣洩疏濬深濶使各得其宜至其疊道之  
在南倉西沽海河者皆增高帮寬石閘木橋脩理以資  
堵洩無俾病行旅及漕輓會有

旨命大臣保舉府道以下潔己愛民誠心辦公人員以  
儲用公與焉八月擢大順廣兵備道卽之任大府復檄



不

治新衛河赴直隸山東交界會勘司馬溝渠及開州黃  
龍潭疊道疊道在古黃河斷岸之間形勢低窪爲瀝水  
所注由清豐趨山東之觀潮匯入運河每逢大水之年  
輒泛溢爲害公請自黃龍潭起至濮州玉帶河止開鑿  
引河逼水南出虎山口後東行南下以順地勢而免後  
患時東撫冀消其境內積水利在壑鄰專欲堵閉上游  
公執不可又洛河自乾隆年間決入牛尾河後正河遂  
涇牛尾河不能容每夏秋水漲直漫至廣平之護城隄  
舊於辛邨決口築壩逼歸故道厥後兩次脩築訖無成  
功公乃於辛邨南築欄河大壩二百數十丈創槽下埽



深至五六尺挑對面河灘嘴取直引水歸槽其辛邨一帶淤成平陸至下游雞澤南和任縣等處淤塞河身竝加疏濬至舊橋柱底盤石以符故迹又於任縣呂家莊至環水邨開引河一道令暢流入北澧河去新橋下入隆平境之蓮子灣西河中淤沙令直匯寧晉泊由天津入海郡舊有天雄書院建於明正德時久圯敗公與守令撤而新之加剏房舍七十間易名曰大名書院丙戌三月大風拔木揚沙天晝晦兩時自去年九月不雨至於今月麥田失收榆錢柳葉啖幾盡均糧之案起均糧者貧民指富戶儲糧均食之云爾起於河南滑濬等縣



大名與接壤不逞之徒遂相效尤始則糾眾估借漸且執械肆搶訛言相驚勢洶洶公部署諸屬吏發兵擒首惡數人士民賴以少安因亟請仲夏先給一月口糧截南漕備振方伯屠某不許請益堅始許撥北倉振餘米六萬三千石煮振城廂公又言盛夏蒸暑粥味易餒食之致病或漸染成疫且前在津門深悉北倉米霉變不堪用又撥運需時不若截漕振米便先是公至天津之歲襄平相國亦以其夏總督直隸公數爲言士民利病暨有司賢不肖狀屠某疑其立異有所誅求公又概置不應積不能平往歲十一月相國受代去至是意益抵

行狀  
悟構大府切責公會

上有旨以撥運不如截漕之速而省費者粥不如放米之實惠及民大府乃改給口糧爲借籽種截南漕五萬石而無地貧民仍煮振議甫定五月大雨得播種待振者歸趨田功粥廠旋撤公終以前憾被劾謂辦振不得宜請回省俟酌量補用已而大府獨悔深謝公而上素知公已飭來京八月赴部引見卽奉

旨仍以道員用丁亥正月授湖北糧儲道四月赴楚戊子正月押運北行晝夜催僮不辭勞瘁全漕於三月間

渡黃河旣免倒塘灌放之繁且較常年尤迅速奉

上諭交部優敘初公抵禦黃壩測水黃高於清六寸許牽挽維艱公飛騎督催忽東南風大作清水斗長三尺餘各船銜尾並進咸稱有神佑湖北軍屯刁敝已久公謂屯冊無可稽則佔界分疆混爭難定了籍不足據則扳軍脫伍錮弊難除乃鈞考舊牘及屯丁譜牒爲清釐更定其他恤丁濟運之事復議章程十餘條上之漕帥多見施行庚寅三次督運始以左股患瘍療治罔效旋成痰喘痞瀝腫及肘脛舟次濟寧夜夢老人教以牛黃少許置舌齧下當瘥一日痞甚姑試之卽暢泄十餘次

腫脹都消飲食亦進歲當隨漕入

覲述職六月抵通州甫治行病忽大發浙江糧道宋公其沅以醫來知病不卽痊遂乞解職七月奉

溫旨回籍調理時惟薛恭人侍疾眷屬尙留武昌官署方期南下同歸中秋後神明漸復九月初五日作書致端木中翰國瑚潘別駕鼎及長安諸故人娓娓筆談意興猶昔入夜氣復喘急延至初八日卒於通州行館時所寓在水神廟有人深夜見廟宇燭光焜耀趨事絡繹其間問云新官至任入而覘之哭聲頓起廊廡黯然而因相傳公沒爲神云公篤於孝友事伯兄惟謹謂未第時

負笈遠遊幾十年家計旅費惟兄是賴每言及泣下已丑恭遇

覃恩請以本身應得封典

馳封伯兄附貢生諱培元爲中憲大夫嫂氏項爲恭人是爲用光之本生祖考妣也公頎然長身廣額秀眉爲人寬仁無疾言遠色任外官所至皆著恩惠躬親庶政或案牘未決堅坐堂皇必事竟然後起尤長於治劇文案填委迎刃立解抉摘根株悉盡諸宿猾老蠹莫敢上下其間在蜀時有姦民殺人令利其鄰富不滿所欲遂移獄誣之讞已定矣公察其冤力平反而劾罷令凡訊

兩造輒爲開陳義理每有悔悟泣下求罷者有銀梁令以酷聞公貽書切誠之謂自古治民之術曰好生不好殺用刑以佐仁不任刑而害仁反覆累千百言嘗自署其廳事曰待士民要寬待書役要嚴待僚屬要寬嚴互用治條教宜緩治案牘宜急治訟獄宜緩急兼施又云對百姓要無慙色辦庶事只有實心其爲政大指如此居平無蒲飲之好自起家爲監司自奉率如諸生時假貸親黨視諸故人各稱其情辛巳大疫流行公家居講求良藥得其至驗者徧施於人全活無數明年饑甚出穀平糶人賴以安後每歲飢人皆效公所爲溫人作



客京華寓無常所公竭力購得冰窖胡同張氏故居始建浙甌會館詳公自爲記文公得宋儒常惺惺法時提此心勿使放倒日恒辨色而興筆弗離手書史丹黃殆徧深究六書之義作字必端楷纂著宏富不名一家官翰林時同館有經進文字多出公手顧雅不欲以詩文自命旣成則削其稿或爲人將去今蒐羅散佚閱七年止編集寶香山館詩文如干卷生於乾隆甲申十二月初五日巳時卒於道光庚寅九月初八日辰時享年六十有七子一名棊府學增貢生爲公伯兄第二子童時事吳太恭人至孝前薛恭人夙愛之旣疾告公請於大

母以爲嗣孫六長用光江南句容縣縣丞次同福用昌  
殤次益光延光宣光孫女二嗟乎自公謝賓客十有餘  
年不肖孫用光始得而爲之述用光生也晚童駭罔識  
家君侍公日又方習制舉文字閉置書堂庭訓不及外  
事公之政蹟末由聞知乃以諮請於世執懿親耆命用  
光詮次之略具梗概結漏居多茲筮明年庚戌十二月  
初三日葬公於平陽縣三都象鼻山之麓以前恭人附  
伏冀

當代大人先生啟其禱昧矜其闕遺錫之銘誌傳贊以  
光幽潛不孝等世世子孫感且不朽孫用光謹狀

賜進士出身

誥授通奉大夫安徽承宣布政使司布政使門人蔣文  
慶填諱



通志

通志

通志

通志

通志

通志

通志

積石文稿

震澤張履著

誥授中憲大夫湖北督糧道林公墓誌銘

公姓林氏諱培厚字輝山一字敏齋先世自閩遷浙江  
溫州之瑞安會祖諱寧時祖諱應魁考諱中鳳並贈朝  
議大夫曾祖妣殷祖妣葉竝贈恭人妣吳封太恭人公  
幼而岐嶷讀書不再過年十五爲縣學生博覽工文游  
學杭州與莫侍郎晉錢學士林交最密前後學使如山  
東竇公光勳大興朱文正公珪巡撫儀徵阮公元並深  
器之顧久困闈試嘉慶九年舉於鄉權淳安教諭十二  
年成進士改翰林院庶吉士明年授編修歷充

公 履

不



國史館纂修文穎館治河方畧提調文淵閣校理又充  
順天鄉試及會試同考官各一得士稱亟盛二十一年  
以京察一等補四川重慶府知府重慶民悍而愚又經  
川楚教匪滋事後習於不靖吏治多尙嚴猛公獨以柔  
道緩之境多鹽販價廉且潔故民樂食私而商輒指販  
爲梟擅行執殺幾至釀變公命舍小販勿問惟時平官  
鹽之值俾食私者少商販俱利嘗謂逼梟成盜曷若化  
梟爲販上官歎爲名言所屬江面遼濶上通省會下達  
夔門行舟時被劫略公以沿江渡船皆盜資命每十船  
編爲一號大刻船主姓名於旁晝出暮必歸一船有犯



不

九船同坐盜自是衰止比戶習天主邪教公搆獲其書  
三十餘種逐一糾摘繆妄俾知覺悟再護川東兵備道  
境連黔楚陝三省袤延二千餘里事務殷繁公從容鎮  
定所屬雷波民夷以細故忿爭有司張皇遽請發兵公  
不許檄縛其魁至論如法事遂平貪功者憾焉競爲蜚  
語中傷公時總督襄平蔣公攸銛獨躉公所爲奏稱林  
某明幹實心又嘗謂川省好官惟公及楊太守世英耳  
渝城三面臨江西南佛圖關一綫鳥道天險盤空爲川  
東扼要卡溢久傾公倡率修復在蜀三年政通人和以  
丁太恭人憂回籍道光三年服闋補天津府知府是冬



值大水之後公徧按行屬邑籌度振務飢民麋集郡城  
構席屋處之而食以粥衣以絮衣病者療之死者瘞之  
明年春夏間又率紳士義振至麥熟資遣復業凡活飢  
民四萬八千餘口懽聲載道時米價翔貴會奉天及閩  
省臺灣米大至價頓平而閩商不肯賤售於是當事有  
增價糴貯通倉之議公謂盡糴則帑不足且多運費不  
若飭通水道之州縣召買其半乃以官錢和糴令自卸  
北倉以給明年易州

陵糶暨滄洲駐防兵米而各屬麥未熟時亦可貸若糶  
如是則官商均利遂如公議行旋擢太順廣兵備道大

不

府檄治新衛河竝赴直隸山東交界會勘司馬溝渠及  
開州黃龍潭疊道疊道在古黃河斷岸之間形勢低窪  
為漑水所注由清豐順趨觀潮匯入運河每逢大水之  
年輒泛溢為害公自黃龍潭起至濮州玉帶河止開鑿  
引河逼水南出虎山口後東行南下以順地勢而免後  
患時東撫冀消其境內積水利在壑隣專欲堵塞上游  
公執不可又洛河自乾隆年間決入牛尾河後正河遂  
湮牛尾河不能容每夏秋水漲直漫至廣平之護城隄  
公於辛邨南築攔河大壩二百數十丈疏濬淤地及下  
游鷄澤南河任縣等處河身俾水歸故道又於任縣開

引河一道令暢流入北澧河、匯寧晉、泊由天津入海。六年夏旱，二麥不登，民紛紛持械攘敎，公擒治首惡，而亟請先給口糧一月，截南漕備振。方伯屠某猶豫，請益力。始許撥北倉米為粥，公言北倉米霉變不堪用，又時方盛暑，粥易敗，食之致病，漸染成疫，流民雜聚，亦恐有他虞。不如振米便，先是公數為大府陳士民利病，暨有司賢不肖狀，屠某疑其立異，有所誅求，公又槩置不應，積不能平，至是意益忤，遂嗾大府劾去公。

上以公往年天津辦振之善，疑所劾不實，命來京引。

見仍以道員用，明年授湖北督糧道，以將漕最得旨優敘。初，公至禦黃壩測水，黃高於清六寸許，牽挽維艱，忽東南風大作，清水斗長三尺餘，咸謂得神佑。時軍屯冊籍淆亂，積弊滋多，公為清釐，更定復議章程十餘條。上之漕帥多見施行，十年夏，督運抵通州，引疾乞休，甫奉

溫旨，回籍調理，遽卒於行館。時為九月八日，享年六十有七。初，公執贈公喪，哀毀得怔忡疾，六載始瘥。及喪太恭，人猶毀性，寬仁無疾，言遽色居，恒辨色而興，得宋儒常惺惺法，時提此心，勿使放倒，任外官日坐堂皇治事。

案無留牘方振文教所至修葺書院以造多士在蜀時  
有姦民殺人令利其鄰富不遂所求遂移獄誣之讞已  
定矣公察其寃力平反而劾罷令有銅梁令某以酷聞  
公貽書切誡之謂自古治民之術曰好生不曰好殺用  
刑以佐仁不任刑而害仁反復累千百言幾於流涕而  
道識者有以知公之存心公所爲詩文高華典則顧不  
自珍惜削稿卽爲人持去其孫用光蒐羅散佚編爲如  
千卷藏於家配同縣薛氏贈恭人承順君姑和於先後  
勗公以成名常服手成之布雖貴不渝於嘉慶二十一  
年八月二十三日卒享年四十有三繼配薛恭人卽前

恭人女弟亦有淑德無子以兄子栻爲後府學增貢生  
能繼公學孫六長卽用光句容縣丞讀書者古與余善  
於道光某年月日葬公於某山之陽前恭人祔以狀來  
請銘銘曰  
謂公不遇兮而荷

九重之知謂公遂志兮而未究厥施伊公之生兮具聰  
慧之夙根迨公之沒兮或驚傳爲神其疑其信兮存而  
不論獨性德之厚兮藹然其仁人而治行之最兮又桀  
然爲古名臣我詞紀實兮匪苟諛以文庶永永無極兮  
視此貞珉



廣生貢成均將赴京兆試以病不果遂絕意進取屢侍  
觀察公宦遊沈靜自處絕不與聞公事觀察公賢之初  
君生未晬失母卽呱呱啼累日不乳祖母吳太恭人噢  
咻之乃乳稍長事吳太恭人篤孝寢食不離側吳太恭  
人年高夜睡數刻卽披衣待旦君亦輒起侍以積勞病  
虛弱後究心養生家言得導引運氣之術能大寒不衣  
病良已觀察公自湖北督漕抵通州歿於行館君聞訃  
哀毀奔喪在途夜就地枕出臥因復病濕晚年恒患臂  
痛事母薛恭人甚謹薛恭人晨喜啖粥君每蚤起手奉  
盃以進病中猶必問家人爲恭人具粥未性和厚與物

忠

不

無忤周卹親儔必稱其情族兄弟有不能娶者助之娶  
竝餼其家遇歲歉出粟平糶冬寒雨雪復爲粥以飢餓  
者觀察公有同歲生張延年宰某縣卒官喪還次吳門  
其長子又死眷屬貧不能歸君資助之卒舉一柩反葬  
故人潘鳳朝病楚中君遣人挾之歸道死復歸其柩而  
葬之其勇於爲義如此用光之爲丞也君時時遺書誡  
以若雖小吏宜守職勿憂貧又寄示荒政書諄諄以活  
人爲勗云君卒於道光二十九年閏四月二十八日享  
年六十有二先世自閩遷浙之瑞安數傳至君曾祖考  
諱應魁祖考諱中鳳並贈朝議大夫曾祖妣葉祖妣吳

並贈恭人申鳳長子諱培元附貢生馳封中憲大夫配  
項贈恭人爲君本生考妣第三子諱培厚嘉慶戊辰進  
士官至湖北督糧道

誥授中憲大夫配薛先卒繼以其女弟贈封並恭人君  
所後考妣也君以用光官加級例封文林郎配伍封孺  
人子六人長卽用光句容縣丞次同福用昌並殤次益  
光延光宣光俱業儒女子子二人皆適士族用光將以  
道光某年月日葬君於某鄉之某原預爲之銘曰

是爲孝子爲仁人名未挂朝籍而掩魄幽墳異時陵谷  
有變必呵護於明神曾何賴乎納竈之文



追述